

58967

2015.10.3

36.1

部=1~4

觀城縣志

第一冊

觀城縣志

二十二年
獻唐題署
國

觀山志
山東省
立經闕
圖如
書館
付所
印依

濟南
逢平
源民
閣日
書報
社印
發行

觀城縣志敘

邑之有志例也然有可志而志之則志易無可志而志之且多志之則志難觀城居曹郡之西北幅員甚隘編戶十里東西南朔廣袤僅三十餘里並無名山大川形勢扼要之區足動人之游覽又無奇材異能出類拔萃之英彥挺生於其間而潛德幽光遂至翫然棄置任其湮沒而不傳碑版散佚戶籍凋零蓋文獻之難徵一百六十餘年於茲矣東雅孫大尹以武林名孝廉出宰斯邑撫綏攘剔凡政之有益於民者無不次第舉行暇則舉觀邑舊志而閱之慨然曰自康熙十一年武進沈君璣作志後多歷年所迄今字畫模糊幾不可辨而閭里之孝子節婦烈士義民間之故老已大半無存者再易數十年將成絕響其可乎哉於是蒐羅訪採手自編摩炎晝窮檐揮汗纂注較舊志增十之四五首列典謨以昭綸綍之盛末志雜事以備考訂之宏而于川澤賦役諸誌博引河渠水經詳載通志觀錄以稽水利而重農田書成持以示余余因郡志漫渙亟思修輯而時日遷延不果有可志而無以志之與無可志而志之且多志之其力量相去爲何如深歎東雅之學識過人成此美舉而自愧弗如也爰綴數語而歸之

告

道光十有九年歲次己亥新春之吉知曹州府事

會稽潘尙楫敘

敘

觀城古觀國也漢始設縣至隋而更今名宋元以前志乘皆無可考明萬歷間榮陽喬君創輯縣志迨康熙初武進沈君奉檄纂修相去未及百年而喬志已無善本則文獻之無徵久矣沈志刻期成書其大端半參喬本流傳至今又一百六十餘年觀地僻陋無嶽瀆之名勝足供騷人學士登涉而謳吟觀俗簡樸又無奇異之遺蹤可備太史輶軒咨訪而采輯是以遷延歲月紀載多缺略焉然竊思之十室之邑必有忠信古之修史者搜羅遺逸往往旁及於一邑一鄉則沙壤茹櫨或有懿行芳躅隱處於其間而竟聽其沉淪散失終歸於泯然亦守土者之憾也乾隆丙戌秀水盛秦川

觀城縣志

序

先生權篆斯邑欲修邑志以瓜期迫促事不果行後纂東昌濟寧諸郡志每見有涉於觀者輒手書之條分類析編爲四卷名曰觀錄較諸沈喬二志考論精確上自漢魏下迨宋元其有可稽者皆備載之而於前明一代典故尤加詳焉閱今已七十年矣其書尙存蓋先生宰淄川時孝廉翟君嘗出其門下其後秉鐸來觀廉得是本呈示前令王君而命吏錄之者也道光十有七年余承乏斯土見邑志漫渙不禁爲之慨然到官數月喜值歲稔人和公餘多暇偶檢得先生是書乃進邑之紳士廣爲采訪而於長夏枯坐宵燈不寐之時手自鈔輯凡舊志所載與通志觀錄有異同者皆悉存之於引用諸條之下各著其書名以備參考集爲十卷區爲七

十二類歷一寒暑而藁本脩定夫古人作志卽外史之遺也余奔走風塵學殖荒落而乃不揣固陋妄自操觚者誠以觀邑褊小又多供億往來任斯土者大都神疲力瘁不遑及其他茲幸民安務簡而不亟成其事將代遠年湮父老之傳聞必盡歸於泯然矣且余猶有說焉有物如玉衆所寶也而不成器則不美其先但存其材質其後加以琢磨遂得見用於世余之修斯志也姑錄所見所聞亦存其材質而已矣若夫雕琢而磨礱之惟俟後之君子道光戊戌年嘉平既望知觀城縣事錢塘孫觀序

觀城縣志

道光戊戌重修

修輯姓氏

纂修

敕授文林郎山東曹州府觀城縣知縣孫

觀

浙江錢塘縣人

協修

觀城縣教諭劉祿閣

諸城縣人

觀城縣訓導王豫徵

諸城縣人

協理

觀城縣典史王仲澂

順天大興縣人

分校

觀城縣志

修輯姓氏

甲午科舉人王丙豐

浙江平湖縣人

附監生顧綸

江蘇金匱縣人

何輝

浙江山陰縣人

丁近仁

浙江山陰縣人

庠生方寬

浙江錢塘縣人

孫朝駿

浙江錢塘縣人

候選從九品周爾琛

浙江嘉善縣人

沈學醇

浙江仁和縣人

庠生孫念培

浙江錢塘縣人

觀城縣志

道光戊戌重修

目錄

卷之首

典謨志

聖訓

宸翰

卷之一

輿地志

上

星野

沿革

疆域

形勝

川澤

鄉里

市集

觀城縣志

目錄

卷之二

輿地志

下

城池

附故城

橋梁

官署

風俗

物產

古蹟

郵舖

營汛

公所

卷之三

學校志

頒發訓典

儒學

學宮

學額

學田

社學

書院

鄉飲

典禮

卷之四

秩祀志

廟祠

各壇

寺觀

陵墓

卷之五

賦役志

戶口

田賦

起運

支銷

倉儲

稅課

蠲緩

賑卹

卷之六

職官志

名宦

知縣

附

主簿

典史

觀城縣志

目錄

二

教諭

訓導

汛弁

卷之七

選舉志

徵辟

進士

舉人

副貢

拔貢

恩貢

歲貢

例貢

武進士

武舉

賜職

封贈

雜進

卷之八

人物志

名哲

懿行

烈女

仙釋

流寓

卷之九

藝文志

詩

箴

書

碑記

雜文

卷之十

雜事志

祥異

紀事

治縣

存疑

觀城縣志

目錄

舊志序

觀城故無志無可志也而不可以無志也何言之觀於夏爲國其封典版圖邈乎不可考矣周爲衛地則亦康叔之境邊隅聚落耳其後屬東郡屬清河以暨入漶入濮迄今猶葢爾一附庸也星野山川皆分見於大都卽古蹟人物亦載在鄰封邑乘中觀曷志乎然儼然縣邑矣其地僻而幅隘其土瘠而賦重夫僻可爲也而瘠則難爲幅隘可居也而賦重則難居以故荒村窮簷貧民如寄徭輕歲熟乃姑安之或值中歉均役則仄足欲烏獸散分土分民若此遂儼然縣矣上之無由徑達

內庭冀邀格外蠲省之仁次之無以詔示來者使知加意愛養之

觀城縣志

舊序

方諸凡例比他縣悉率敝賦以供徵求觀之爲觀也餘幾矣是則不可以無志者也明萬歷十七年榮陽喬令乃剏志書喬之言曰載述無墜幸免於史遷之所謂罪其在斯乎而貧瘠之形瞭若指掌菑患之踪澹焉悚目意固不顯載述也余視事之始雖思續纂而流亡未復文獻難徵但繪鄭俠之圖而缺史遷之紀則余曷敢茲歲奉文直省郡縣纂輯志書送翰林院彙修一統志是夏禹商周職方再見之日也觀邑雖小亦得附著典籍矣急菟喬志僅得之於王生裔琦家藏不管竹書禹碑絕無僅有此外又無可撫拾者爰咨爰訪幸有張生梧之父明經淑宸筆記萬歷十七年以後人物事蹟遂偕司訓劉公士聰鄧別駕

範張孝廉洞宸等續集訂正分野建革諸紀一仍其故不敢以
郡書末議改舊聞也禮制藝文諸紀稍汰其繁不敢以支離附
贅濶實錄也在昔賦稅之數委勘之文皆點校而備存之在後
孝義之士貞烈之媛皆贊揚而亟表之凡以因革勸戒政治模
楷余莫敢忽遺爾雖迫於檄限未獲該詳而體要既立庶幾可
備考覈於平昔唐宣宗命學士韋澳集天下風土利弊爲一書
置之座隅名爲處分語則古今修志之義蓋可知也使最爾邑
乘得附全書一邀

省覽隨宜處分觀民其有慶乎卽後之君子載閱而加之意存卹
陳請以補前人所未逮是於上下均無負也余又何以文爲康

觀城縣志

舊序

熙十一年歲次壬子十月吉文林郎知觀城縣事加一級武進

沈璣書

舊志申文

康熙十一年十月

山東曹州府濮州觀城縣爲遵

諭條奏事蒙

本府批本縣申詳蒙

布政司飭付蒙

巡撫部院張 案驗前事本年閏七月初七日准禮部咨儀制

清吏司案呈奉本部送禮科抄出該本部題 覆少師兼太子

太師戶部尙書保和殿大學士加二級衛 奏前事等因康熙

十一年七月初一日奏本月初六日奉

旨這應進講書籍知道了餘著該部議奏欽此欽遵於七月十一日到部除各部事宜應聽各該部議覆外該臣等議得保和殿大學士衛周祚疏稱各省通志宜修如天下山川形勢戶口丁徭地畝錢糧風俗人物疆圉險要宜彙集成帙名曰通志誠一代之文獻也迄今各省尚未編修甚屬缺典何以襄我

皇上興隆盛治乎除河南陝西已經前撫臣賈漢復纂修進呈外請

勅下直省各督撫聘集夙儒名賢接古續今纂輯成書到部之日送翰林院彙爲

觀城縣志

舊序

大清一統志等因前來查直隸各省通志請

勅下各該督撫詳查山川形勢戶口丁徭地畝錢糧風俗人物疆圉險要照河南陝西通志款式纂輯成書到部之日送翰林院彙爲

大清一統志恭進

睿覽可也等因康熙十一年七月二十四日題本月二十七日奉旨依議欽此欽遵抄部送司奉此相應移咨案呈到部擬合就行爲此合咨前去煩爲查照本部覆奉

旨內事理欽遵施行等因到院案行到司竊仰到府備帖下縣蒙此該本縣知縣仍帶加一級沈璣遵查得觀邑最壤偏隅自昔

從無縣志凡所有山川形勢人物事蹟皆附見於鄰封郡邑迨明季萬歷十七年知縣喬崐始創修志書嗣又屢經兵燹版籍俱廢中職因無考據未能刻期成書業經詳蒙寬限在案但事關

大典不敢少怠隨竭蹶蒐求有生員王裔琦檢呈舊志斷編萬歷十七年以前著載稍堪徵信又查有已故貢生張淑宸手紀萬歷十七年以後官師人物雖非詳備可借稽覆爰與儒學訓導劉士聰會同紳衿博採旁摭纂輯成帙但未經詳請核示不敢擅行刊刻謹將謄本先呈

憲閱仰候裁定批發庶便遵行刊報爲此今將前由理合具申

觀城縣志

舊序

四

伏乞

照詳施行等因奉

本府知府加一級朱 批該縣既無舊志可考今蒐求成帙良爲苦心矣仰速刊刻刷送以完

大典但別欸原無可據而賦役一項須與全書相對再加磨勘不致舛錯可也繳

舊志纂修校刊姓氏

知縣沈璣

候選通判鄧範

訓導劉士聰

候選訓導孫璫

典史黃尙達

舉人張洞宸

生員畢竟成

王光偉

張惟度

張儒範

王鼎新

張中興

張裕

張綏兆

王光昱

郝士魁

觀城縣志

舊志姓氏

王裔琦

王裔璿

王裔曇

岳慶孚

張相琦

張梧

史雲鶴

張沂

姜銘瑜

張相瑛

張大桂

張枋

王道長

凡例

一志書體裁乾隆年間有部頒式依江南通志之例茲編分類附款稍加變通而事體條目大略皆仿其式

一典禮制度莫不備於

謨訓凡茲臣庶皆當永矢勿諼敬謹繕錄載於卷首

一分門別類省覽較便茲集分爲十卷一二曰輿地三曰學校四曰秩祀五曰賦役六曰職官七曰選舉八曰人物九曰藝文十曰雜事各從其類另標條目

一舊志所載悉爲存之不稍刪改以存本來面目

一一事所記或有異同將數說並陳不敢意爲去取以俟折衷

觀城縣志 凡例

於博古者

一各說皆引證羣書卽於各條之下標著書名以備檢查

一名邦大郡一切景物人文書不勝書必當慎提其要若觀邑蕞爾微區雖古祠荒塚殘碑遺碣其間興廢變遷胥資掌故不敢以纖細略之

一觀邑歷代建置今非昔比志中如川澤故城等條大半不在今之邑境茲依觀錄備載之以見在昔幅幘之廣

一乾隆三十年奉文本色徵折銀兩議歸地丁條編者全書仍應開載以便將來按冊易查觀錄亦謂舊時款目不可刪去故是編賦役志除現行額例謹依賦役全書開載外凡前明

各款及雍正以前舊制均附載於內以備查考

一節孝婦女爲風化所關無論已旌未旌均應記載邑境雖小聞見難周竊恐窮苦幽婺不免有罅漏之憾

一舊志於各類之前弁以小序欲以明作志之意也茲編纂集衆說不敢以臆解武斷而作志義例通志府志皆詳言之似可無取再贅虛詞

一采訪各條如選舉志中之歲貢例貢無科分年月人物志中之列女不能詳其年歲遲早皆隨時登載以呈送之先後爲次

一舊志中如官師人物諸類下向有評語茲編凡舊有者仍行

觀城縣志 凡例

載入至新收各條職官只詳籍貫年月選舉只登科分職任其餘無實事可徵者概行從略

觀城縣志卷之首

典謨志

聖訓

康熙九年十月

上諭朕惟至治之世不專以法令爲務而以教化爲先其時人心醇良風俗樸厚刑措不用比屋可封長治久安茂登上理蓋法令禁於一時而教化維於可久若徒恃法令而教化不先是舍本而務末也近見風俗日敝人心不古囂陵成習僭濫多端狙詐之術日工獄訟之興靡已或豪富凌轢孤寒或劣紳武斷鄉曲或惡矜出入衙署或蠹棍詐害善良荏苒之規掠時聞讐忿

觀城縣志

卷首

典謨志

之殺傷疊見陷羅法網刑所必加誅之則無知可憫宥之則憲典難寬念茲刑辟之日繁良由化導之未善朕今欲法古帝王尙德緩刑化民成俗舉敦孝悌以重人倫篤宗族以昭雍睦和鄉黨以息爭訟重農桑以足衣食尙節儉以惜財用隆學校以端士習黜異端以崇正學講法律以警愚頑明禮讓以厚風俗務本業以定民志訓子弟以禁非爲息誣告以全良善誠窩逃以免株連完錢糧以省催科聯保甲以弭盜賊解讐忿以重身命等項作何訓迪勸導及作何責成内外文武該管各官督率舉行爾部詳察典制定議具奏特諭

康熙四十二年八月